

1 TESALONICENSES

Pablosã Tesalónica marārē òãdoredea

¹ Y_u Pablo, y_u merâmarâ Silvano, Timoteo merâ m_usã Tesalónica marārē Jesúre b_uremurârē òãdoredea. M_usã Marĩp_uyarâ, marĩ Op_u Jesucristo-yarâ ããrâ. Irasirig_u m_usârē i papera pũrē gojáa. Marĩp_u ããrĩngũ, marĩ Op_u Jesucristo m_usârē òãrõ iritamu, siuñajãrĩ merâ ããrĩrik_umakũ iriburo.

Pablo, Tesalónica marã Jesúre b_uremurĩrē go-jadea

² G_ua Marĩp_ure m_usãya ããrĩburire sêrêbosarã, m_usã òãrõ iririre gũñáa. Irasirirã ãgũrê: “M_u iritamurĩ merã òãrõ yáma”, ãrĩ, _usuyari sĩníkõãa. ³ ãgũrê sêrêrã, ãsũ ãrĩ sêrêa: “G_uap_u, Tesalónica marã m_u magũ Jesucristore b_uremusĩã, ãgũyare òãrõ irirã yáma. Maĩrĩ merã gajerârê òãrõ iritamuma. Marĩ Op_u Jesucristo dupaturi aariburire _usuyari merã yúsĩã, ñerõ tarikererã gũñaturama. Irasirig_u ãgũsârē irire iriduúbirimakũ irika!” ãrĩ sêrêa. ⁴ G_uayarã, Marĩp_u m_usârē maĩmi. ãgũta m_usârē beyedi ããrĩmĩ, ãgũyarã ããrĩburo, ãrĩgũ. G_ua irire masĩa. ⁵ M_usârē Jesús masakare tauri kerere wererã, g_ua masĩrĩ merã werebirib_u. Òãgũ deyomarĩgũ turari merã gap_u m_usârē iri kerere wereb_u. G_ua m_usârē òãrõ iritamudeare masĩsĩã, g_ua iri kerere weremakũ pérã: “Diayeta ããrã”, ãrĩ masĩb_u.

⁶ Irasirirã, g_ua irideare ããnerã ããrĩsĩã, g_ua iriderosũ, irasũ ããrĩmakũ Jesucristo iriderosũ

irirã dujabu. Ñerõ tarikererã, Õãgũ deyomarĩgũ iritamurĩ merã Jesúya kerere ɯɯyari merã pé, bɯremunɯgãbu. ⁷ Mɯsã irasirideare pérã, ããrĩpererã Jesúre bɯremurã, Macedonia nikũ marã, õõ Acaya nikũ marã: “Marĩdere Ìgũsã irirosũta ããrĩrikuro gããmea”, ãrĩma. ⁸ Mɯsã merãta ããrĩpererogue marã marĩ Opɯ Jesúya kerere péperekõãñurã. Macedonia marã, Acaya marã dita iri kerere pérã meta iriñurã. ããrĩpererogue marã mɯsã Marĩpɯre bɯremurĩrẽ masĩsiañurã. Irasirirã gɯa Ìgũsãrẽ irire werenemobirikoa. ⁹ Ìgũsã gapɯ gɯa mɯsã pɯro ejamakũ, mɯsã gɯare õãrõ bokatĩrĩñeãdeare gajerãguere werema. Gaji mɯsã keori weadeare bɯremurĩrẽ pirikõã, Marĩpɯ gapɯre bɯremu, Ìgũ gããmerĩ diretta irinɯgãdeare werema. Ìgũ diayeta Marĩpɯ okanígũ ããrĩmi. ¹⁰ Mɯsã, Ìgũ magũ Jesús ɯmɯgasigue ããrĩgũ i ɯmɯgue dupaturi aariburire õãrõ ɯɯyari merã yúrã iriayuro. Marĩpɯ Jesúre boadiguere masũdi ããrĩmí. Jesúta marĩrẽ peamegue bɯro wajamoãsũbonerãrẽ taugɯ ããrĩmi.

2

Pablo Tesalónicaque Ìgũ buedeare gojadea

¹ Gɯayarã, mɯsã ire õãrõ masĩa. Gɯa mɯsã pɯro ããrĩrã, ubu ããrĩrĩrẽ irirã meta iribu. Gɯa buerire pérã, wárã mɯsã Jesúre bɯremunɯgãbu. ² Gɯa mɯsã pɯro waaburi dupuyuro Filipogue ããrĩbú. Gɯa irogue ããrĩmakũ, iro marã gɯare ñerõ iri, ñerõ ãrĩ buridama. Mɯsã irire masĩa. Mɯsãya makã marãde gɯare ñerõ iridɯakerepɯru, Marĩpɯ gɯare iritamumi. Irasirirã güiro marĩrõ

gũñaturari merã ãgũ masakare tauri kerere mũsãrẽ wereru. ³ Gũa mũsãrẽ: “Iri kerere bũremuka!” ãrĩ wererã, diayema ããrĩrẽ bũremumakũ gããmebu. Mũsãrẽ ñerõ iridũarã, ãrĩgatori merã buerire bũremumakũ iridũarã meta iribu. ⁴ Marĩpũ ãgũ gããmederosũta gũare ãgũ masakare tauri kerere weremurãrẽ beyepĩdi ããrĩmĩ. Irasirirã, masaka gũa merã mũyaburo, ãrĩrã meta iri kerere werea. Marĩpũ gããmerĩ gapũre iridũarã, irire werea. ãgũta ããrĩpereri marĩ gũñarĩrẽ ããmasĩgũ ããrĩmĩ. ⁵ Mũsã masĩa. Gũa mũsã pũro ããrĩrã, mũsãrẽ õãrõ werenĩgatori merã gũa gããmerĩrẽ irimakũ iridũarã meta iribu. Mũsãrẽ niyerure ãidũarã ãrĩgatori merã wererã meta iribu. Marĩpũde irire masĩmĩ. ⁶ Gũa Marĩpũya kerere wererã, mũsã gũare: “Õãrõ buema”, ãrĩmakũ iridũarã meta yãa. Gajerãde gũare irasũ ãrĩmakũ neõ gããmebea. ⁷ Gũa, Cristo buedoregũ beyepĩnerã ããrĩsĩa, mũsãrẽ: “Gũare iritamuka!” ãrĩbonerã ããrĩkererã, neõ irasũ ãrĩbiribu. Sugo pago igo pũrãrẽ maĩrĩ merã õãrõ korerosũta mũsãrẽ maĩrĩ merã õãrõ korebu. ⁸ Mũsãrẽ bũro maĩsĩa, Marĩpũya kerere õãrõ iridũari merã buebu. ããrĩpereri gũa irimasĩrĩ merã mũsãrẽ iritamubu. Mũsãrẽ maĩsĩa, irasiribu. ⁹ Mũsã gũayarã, gũa mũsã merã ããrĩrã bũro moãdeare gũñakoa. Mũsãrẽ Marĩpũya kerere buerã: “Gũare iritamuka!” ãrĩdũabirisĩa, gũa baaburire wajarimurã mũmũrĩ, ñamĩrĩ moãbu.

¹⁰ Gũa iririkũrere mũsã masĩa. Marĩpũde masĩmĩ. Gũa, mũsã Jesũre bũremurã merã ããrĩrã, gũa mũsãrẽ õãrõ irirã, diayema iribu. Irasirirã gajerã gũare: “Ñerõ yãma, waja oparã

ãārĩma”, neõ ãrĩmasĩbirima. ¹¹ Idere mʉsã masĩa. Sugʉ pagʉ ĩgũ pũrãrẽ õãrõ wereri merã ĩgũsãrẽ gũñaturamakũ irirosũta gʉa mʉsãdere ããrĩpererãrẽ irasiribʉ. ¹² Marĩpʉ mʉsãrẽ ĩgũyarãrẽ dorerogue ĩgũ õãrõ gosewasirirogue mʉsã ããrĩmurãrẽ beyedi ããrĩmĩ. Irasirirã mʉsãrẽ ĩgũyarãrẽ: “Ĩgũyare õãrõ irinĩkõãka!” ãrĩ werebʉ.

¹³ Gʉa mʉsãrẽ Marĩpʉya kerere weremakũ pérã, mʉsã: “I Marĩpʉya werenĩĩgora ããrã”, ãrĩ bʉremubʉ. “Masakaya werenĩĩ meta ããrã”, ãrĩbʉ. Gʉa, mʉsã irasirideare gũñarã, Marĩpʉre ʉsʉyari sĩnĩkõãa. ĩgũ mʉsãrẽ ĩgũya kerere bʉremurãrẽ iri merã mʉsã gũñarĩrẽ, mʉsã iririre õãrĩ gapʉre gorawayumakũ yãmi. ¹⁴ Gʉayarã, mʉsã Jesucristore bʉremurã ããrĩmakũ ĩãrã, mʉsãya nikũ marã mʉsãrẽ ñerõ tarimakũ iriañurã. Mʉsãrẽ waarósũta Judea nikũ marãdere Marĩpʉyarãdere waaró iriayuro. ĩgũsã Jesucristore bʉremurã ããrĩmakũ ĩãrã, ĩgũsãya nikũ marã judío masaka ĩgũsãrẽ ñerõ tarimakũ iriañurã. Judío masaka Jesúre gããmemerã ããrĩsĩã, ĩgũrẽ bʉremurãrẽ ñerõ tarimakũ iriañurã. ¹⁵ ĩgũsã ñekũsãmarã Marĩpʉya kerere weredupuyunerãrẽ wẽjẽderosũ, marĩ Opʉ Jesúdere wẽjẽnerã ããrĩmã. Gʉadere gʉa mʉsãya makãgue ããrĩmakũ, ñerõ iri, béowiuma. Marĩpʉ, ĩgũsã irasirideare neõ gããmebemi. ĩgũsã ããrĩpererãrẽ gããmebema. ¹⁶ Judío masaka ããrĩmerãrẽ peamegue waabirikõãburo, ãrĩrã, gʉa ĩgũsãrẽ Jesúyare buedʉamakũ, judío masaka Jesúre gããmemerã gʉare kãmutadʉadima. Gʉare ĩgũyare weredorebirima. Irasirirã ĩgũsã ñerõ iririre nemorõ irisĩã, wáro waja opama. ĩgũsã daporata

Marĩpũ bũro wajamoãũmurã dujasiamã.

Pablo Tesalónica marãrẽ ĩgũ dupaturi ĩãgũ waadũarire gojadea

¹⁷ Gũayarã, gũã mũsã pũrogue ããrãnerã wiridero pũrũ mérõgã tarikerepũrũ, mũsãrẽ gũñaníkõã, dupaturi bũro ĩãrã waadũadibũ. ¹⁸ Wári gũã mũsãrẽ ĩãrã waadũadibũ. Yũ Pablo wári: “Irogue waagũra”, ãrĩnadibũ. Gũã waadũarikũ, wãtĩ gapũ gũã waadũarire kãmutanami. ¹⁹⁻²⁰ Mũsãta gũare mũsũyamakũ irirã, gũare mũsã õãrõ iriburimarẽ gũñaturamakũ irirã ããrã. Irasirirã mũsãrẽ ĩãrã waadũadibũ. Marĩ Opũ Jesucristo i mũmũgue dupaturi aarimakũ, mũsã õãrõ irideare gũñarã, gũã ĩgũrẽ: “Īgũsãta ããrĩma, gũare bũro mũsũyamakũ irinerã. Gũã mũyare buemakũ pérã, mũrẽ bũremunũgãma. Mũyare õãrõ iritũyaníkõãma”, ãrĩ wererãkoa. Irasirirã mũsã merã bũro mũsũyãa.

3

¹⁻² Mũsãya kerere pẽdũarã bokatĩũbirikubũ. Irasirirã, Timoteore: “Īgũsãrẽ ĩãgũ waaka!” ãrĩ iriubũ. “Gũã gapũ Atenague dujarãkoa”, ãrĩbũ. Timoteo marĩyagũ, Marĩpũre moãboegũ, gũã merã Jesucristoya kerere buegũ ããrĩmi. “Īgũ Jesũyare buemakũ pérã, gũñaturari merã ĩgũrẽ bũremunemorãkuma”, ãrĩã, ĩgũrẽ iriubũ. ³ Mũsã Jesucristore bũremurĩ waja gajerã mũsãrẽ ñerõ iriañurã. Irasirirã, mũsã Jesũyare neõ piribirikõãburo, ãrĩã, Timoteore mũsã pũrogue iriubũ. Marĩ Jesũre bũremurĩ waja gajerã marĩrẽ ñerõ irirãkuma. Irire masĩa mũsã. ⁴ Iro dupuyuro gũã irogue mũsã merã

ããrĩrã, irire ãsũ ãrĩ weresiabu: “Marĩ Jesúre buremurĩ waja ñerõ tarirãkoa”, ãrĩbu. Gúa ãrĩderosũta gajerã marĩrẽ ñerõ irirã yáma. Musã irire masĩsiáa. ⁵ Irasirigu, musãrẽ: “¿Jesúre gũñaturari merã buremunikõãkuri?” ãrĩ sêrẽña, musãya kerere péduagu bokatĩubirisĩã, Timoteore iriubu. “Gũñaturanerãrẽ gajipoe irigu wãtĩ ãgũsãrẽ Jesúya buerire buremuduúmakũ irikumĩ, gúa irire ubugora bueyo”, ãrĩ gũñarikubu. Irasirigu Timoteore musã pãroque iriubu.

⁶ Daporare, Timoteo, musãrẽ ãgũ ejadi õõguere goejasiami. ãgũ õãrĩ musãyare kereku goejami. Musã piriro marĩrõ Jesúre õãrõ gũñaturari merã buremurĩrẽ, musã gãme maĩrĩrẽ, guare were goejami. Guare maĩrĩ merã gũñanikõãyuro. Gúa musãrẽ ãduarosũta, musãde guare buro ãduayuro. ⁷ Irasirirã, musã Jesúre buremurĩrẽ pérã, gúa ñerõ tarikererã, õãrõ yũpũrãkuri merã usuyáa. ⁸ Marĩ Opũ Jesúre musã buremunímakũ pérã, dapagueta siuñajãrĩ opáa. ⁹ Irasirirã musãrẽ gũñarã, Marĩpũre buro usuyari sãa. Nasiri usuyari sãbokatĩũmasĩña máa. ¹⁰ Ñmarĩ, ñamirĩ Marĩpũre: “Gúa ãgũsãrẽ ãrã waaburire ãmubosaka!” ãrĩ, buro sêrẽa. Musãrẽ Jesúya kerere wereyuwarikurã waadũakoa, ãgũrẽ õãrõ buremunemburo, ãrĩrã.

¹¹ Marĩpũ ããrĩningũ, marĩ Opũ Jesucristo guare iritamuburo. Guare musãrẽ ãrã waaburire ãmu, iriuburo. ¹² Marĩ Opũ musãrẽ nemorõ gãme maĩwãgãnímakũ iriburo. Gúa musãrẽ maĩrõsũta musãde gajerã ããrĩpererãrẽ gãme maĩnemomakũ iriburo. ¹³ Musãrẽ ãgũrẽ piriro marĩrõ õãrõ gũñaturari merã buremunímakũ iriburo. Irasirirã, marĩ Opũ Jesús ããrĩpererã ãgũyarã merã i ãmugue

dupaturi aarimakū, Marīpυ āārīnīgū īūrōgue īgū iri-
tamurī merā ñerī marīrā, waja opamerā āārīrākoa.

4

*Pablo Jesúre b̄remurārē: “Marīpυ gāāmerī direta
irika!” ārī gojadea*

¹ Daporare marī Opυ Jesús doreri merā m̄sārē
āsū ārī werea: “Ḡua m̄sārē: ‘Āsū iriro gāāmea’,
ārī buederosūta irika, Marīpυ gāāmerī direta iri-
murā! Daporare m̄sā īgū gāāmerīrē irirā iri-
ayuro. Irasirirā: ‘Irire nemorō irinemoka!’ ” ārī
werea. ² Ḡua buedeare m̄sā masīa. Irire buerā,
marī Opυ Jesús doreri merā m̄sārē bueb̄.

³ Marīpυ m̄sārē ñerī marīrā āārīmakū
gāāmemei. Irasirirā: marāpo marīrā, marāpokurā,
marāpυ marīrā, marāpukurā gāmebirabirikōāka!

⁴ M̄sāk̄ ñerō iri īmurō marīrō gopeyari merā
m̄sā marāposā nomerē opaka! Gajerā m̄sā
irasirimakū īārā: “Ōārō yāma”, ārī īārākuma.

⁵ Marīp̄re masīmerā irirosū, nomerē ñerō
irid̄ari merā Ɂaribejabirikōāka!

⁶ M̄yaḡu marāpore gāmebirarā, igo marāp̄dere ñerō irikoa.
Irinorē iribirikōāka! Marīpυ irasirirānorē b̄uro
wajamoāḡukumi. Ḡua m̄sārē irire weresiabu.

⁷ Marīpυ marīrē ñerīrē iriburo, ārīgū meta beyepídi
āārīmí. Īgū gāāmerī direta iridoreḡu, marīrē
beyepídi āārīmí.

⁸ I buerire gāāmemerā, ḡua direta
gāāmemerā meta yāma. Marīp̄dere gāāmebema.
Marīpυ marīrē īgū gāāmerī direta iridoreḡu, Ōāgū
deyomarīgūrē iriudi āārīmí. Ōāgū deyomarīgū ñerī
opabi āārīmi.

9 Mũsã sugũ pũrã irirosũ gãme maĩrĩ tamerãrẽ gojabea. Marĩpũ ĩgũ basi mũsãrẽ gãme maĩdoresiadi ããrĩmĩ. 10 Mũsã irasũta iriayuro. Marĩpũ mũsãrẽ dorederosũta ããrĩperero Macedoniague ããrĩpererã Jesũre bũremurãrẽ maĩayuro. Mũsã gãme maĩrĩ merã ããrĩkererũ: “Nemorõ gãme maĩnemoka!” ãrĩ werea. 11 Gãme ĩãturiro marĩrõ õãrõ ããrĩrikũka! Gajerãya ããrĩrĩnorẽ gũñarikũ, ĩgũsãrẽ werewũabirikõãka! Mũsãyama ããrĩburi gapũre gũña, õãrõ moãrikũ, ããrĩkõãka! Gũa mũsã pũrogue ããrĩrã, ire mũsãrẽ weresiabũ. 12 Mũsã õãrõ moãrã, gajerãrẽ baari sërẽbirikoa. Mũsã moãrĩ merã mũsã baaburire oparãkoa. Mũsã irasirimakũ ĩãrã, Jesũre bũremumerã gopepyari merã mũsãrẽ ĩãrãkuma.

Pablo marĩ Opũ dupaturi i mũmũgue aariburire gojadea

13 Gũayarã, mũsãrẽ boanerã waaburire weredũakoa, irire masĩburo, ãrĩgũ. Jesũre bũremurã boarã, ĩgũ merã ããrĩnĩrã waarãkuma. Mũsã irire masĩrã, mũsãyarã Jesũre bũremurã boamakũ, bũro bũjawerebirikoa. Jesũre bũremumerã gapũ, ĩgũsãyarã boamakũ, bũro bũjawererãkuma. ĩgũsã irirosũ bũro bũjawerebirikoa. 14 Marĩ ire bũremua. Jesús boadigue masãdi ããrĩmĩ. ĩgũ dupaturi i mũmũgue aarimakũ, ĩgũrẽ bũremurã boanerãrẽ Marĩpũ ĩgũrẽ masũderosũta ĩgũsãrẽ masũgũkumi. Masũ odo, ĩgũ ããrĩrõgue ãĩmũrĩagũkumi.

15 Marĩ Opũ Jesús weredeare mũsãrẽ werea. Jesús dupaturi i mũmũgue aarimakũ, ĩgũrẽ bũremurã boanerã masã, ãĩmũrĩãsũrãkuma.

Īgūsā p̄r̄u, marī Jesúre b̄remurā okarāde āimurīāsūrākoa. ¹⁶ Āsū waarokoa. Marī Op̄u Jesús Īgū basita ūm̄ugasigue āārīdi b̄uro turaro werenīrī merā aariḡukumi. Īgū aarimakū, Marīp̄ure wereboerā op̄ude werenīḡukumi. Marīp̄yaru puridirude b̄s̄urokoa. Irasū waamakū, Jesúre b̄remurā boanerā masāp̄urorirākuma. ¹⁷ Īgūsā p̄r̄u, marī okarāde Jesúre b̄remurā, ĩgūsā merā mikāyeborigue m̄r̄īa, irogue Jesúre bokatīrīrākoa. Ūm̄ugasigue ĩgū merā āārīnīkōārākoa. ¹⁸ M̄sā basi irire gāme werenīka! Irasirirā gāme gūñaturamakū irirākoa.

5

¹ Irin̄u, iropā āārīmakū, Jesús dupaturi aariḡukumi, ārīrī tamerā masīña máa. Irasiriḡu iri tamerārē gojabea. ² M̄sā masīsiáa. Suḡu yajarimasū ñami merā gūñaña marīrō yajaḡu ejarosū, Jesúde marī gūñabiriripoe ejaḡukumi. ³ Jesúre b̄remumerā ĩgū dupaturi aariburi dupuyurogārē: “Ḡua gūiro marīrō oārō āārīkōāa”, ārī gūñarākuma. Īgūsā irasū gūñaripoere ĩgūsārē wári ñerī waarokoa. Sugo nomeō nijīpo āārīgō, majīgū nijīwāgūgō pūrīsūrōsū, Jesúre b̄remumerā irasūta gūñaña marīrō b̄uro ñerō tarirākuma. Neō suḡu taribirikumi. ⁴ Masaka Jesúre b̄remumerā, naītīārōgue āārīrā irirosū āārīma. M̄sā gap̄u ĩgūsā irirosū āārībea. Irasirirā Jesús dupaturi i ūm̄ugue aarimakū, yajarimasūrē iāḡukarā irirosū waabirikoa. ⁵ M̄sā āārīpererā Jesúyarā āārā. Irasirirā ūm̄u boyorogue āārīrā iāmasīrōsū Jesús aariburire masīa. Jesúre b̄remumerā gap̄u

naĩĩārōgue āārĩrā irirosũ āārĩma. Irasirirā ñami merā ĩāmasĩberosũ Jesús aariburire masĩbema. ⁶ Irasirirā ñami merā kārĩrā irirosũ āārĩbirikōārā marĩ! Jesús dupaturi aariburire gũñamerā, kārĩrā irirosũ āārĩma. Marĩ gapũ ĩgũ aariburire pēmasĩrĩ merā gũñaníkōārā! Mejārā irirosũ iribirikōārā! Diayema gapũre irirā! ⁷ Masaka ñamirē kārĩkuma. Mejārĩmasā ñamirē mejākuma. ⁸ Marĩ Jesúyarā gapũ ũmũ boyorogue āārĩrā irirosũ āārā. Irasirirā oārō pēmasĩrĩ merā diayemarē iriníkōārā!

Sugũ surara gāmewējērōgue waabu, ĩgũya koretibire kāmutaḡũ, kōme surĩrore sãñakumi. ĩgũ irirosũta marĩde Jesúre bũremurĩ merā, marĩ gāme maĩrĩ merā, wātĩrē ĩgũ marĩrē irire pirimakũ iridũarire kāmutarā! Surara ĩgũya dipurure kāmutaḡũ, kōme perore peyakumi. ĩgũ irirosũta marĩde, Jesús marĩrē taḡũ aariburire: “Diayeta aarigũkumi”, ārĩ masĩrĩ merā wātĩrē ĩgũ marĩrē: “Irasũ waabirikoa”, ārĩgatorire kāmutarā! ⁹ Marĩpũ marĩrē wajamoābu meta beyepĩdi āārĩmĩ. Marĩ ñerō iridea wajare marĩ Opũ Jesucristo merā taubu, marĩrē beyepĩdi āārĩmĩ. ¹⁰ Jesús ĩgũ merā āārĩnĩkōāburo, ārĩgũ, marĩrē boabosadi āārĩmĩ, marĩ ñerō iridea wajare wajarigu. Irasirirā ĩgũ dupaturi aarimakũ, ĩgũrē bũremurā boanerā, marĩ okarāde ĩgũ merā āārĩnĩkōārākoa. ¹¹ Irire gũñarā, mũsā irinĩrōsũ nemorō gāme iritamu, gũñaturamakũ irika! Irasirirā Jesúre bũremunemorākoa.

Pablo Jesúre bũremurārē weretũnudea

¹² Gũayarā, mũsārē turaro merā āsũ ārĩ weredũakoa. Marĩ Opũya kerere mũsārē wererārē

goepeyari merã ããka! Marĩ Opũ ãgũsãrẽ mũsãrẽ òãrõ doreburo, ãrĩgũ, beyepídi ããrĩmí, mũsãrẽ òãrõ ããrĩrikũburire, òãrõ iririkũburire buedoregũ.

¹³ ãgũsã mũsãrẽ irire buerã, marĩ Opũyare òãrõ irirã yãma. ãgũsã irasirimakũ ããrã, ãgũsãrẽ bũro bũremurĩ merã, bũro maĩrĩ merã ããka! Gãme turiro marĩrõ òãrõ ããrĩrikũka!

¹⁴ Gũayarã, gaji mũsãrẽ ãsũ ãrĩ weredũakoa doja. Moãdũamerãrẽ moãdoreka! Gũñaturamerãrẽ gũñaturamakũ irika! Jesúre bũremuturamerãrẽ iritamuka, ãgũrẽ bũremunemburo, ãrĩrã! ããrĩpererã merã guaro marĩrõ bopoñarĩ merã òãrõ irika!

¹⁵ Mũsãrẽ gajerã ñerõ irimakũ, ãgũsãrẽ gãmbirikoaka! Òãrĩ gapũre mũsãyarãrẽ, ããrĩpererã gajerãdere òãrõ irinĩkõãka!

¹⁶ Mũsã Jesúyarã ããrĩsĩã, usũyari merã ããrĩnĩkõãka! ¹⁷ Mũsã noó waaró, mũsã noó ããrĩrõ, Marĩpũre gũña, ãgũrẽ mũsãya ããrĩburire sãrẽnĩkõãka! ¹⁸ Mũsãrẽ gajinũ ñerõ waamakũ, òãrõ waamakũdere Marĩpũre usũyari sĩnĩkõãka! Marĩpũ, marĩ Jesucristore bũremurãrẽ irire irimakũ gããmemei.

¹⁹ Òãgũ deyomarĩgũ, mũsã gũñarĩgue ãgũ weremakũ, irire kãmutabirikõãka! ãgũ dorerire òãrõ yujuka! ²⁰ Sugu Jesúre bũremugũ Òãgũ deyomarĩgũ masĩrĩ sĩrĩ merã, Marĩpũ weredoredeare weremakũ pérã, irire doo bũridabirikõãka! ²¹ Ubu gapũ ãgũsã weremakũ, òãrõ pékũĩnú, gũñaka! “¿Diyeta wereri?” ãrĩ masĩdũarã, irasirika! Òãrĩ bueri ããrĩmakũ, iri gapũre irika! ²² Noó ñerĩ ããrĩmakũ, irire iribirikõãka!

23 Marĩpu siuñajãrĩ merã ããrĩrikumakũ irigũ musãrẽ õãrõ, ñerĩ marĩrõ, ãgũ gããmerĩ direta iririkumakũ iriburo. Musã ñerĩ opabirimakũ, musãya gũñarĩgue õãrĩ direta opamakũ, musãya dupuri merã ñerõ iribirimakũ iriburo. Musãrẽ waja opamerã ããrĩmakũ iriburo. ãgũ irasirimakũ, marĩ Opũ Jesucristo dupaturi aarigũ, musãrẽ waja opamerã ããrĩmakũ bokajagukumi. 24 Marĩpu musãrẽ ãgũyarã ããrĩburo, ãrĩgũ, beyepĩdi, i ããrĩpereri ãgũ musãrẽ: “Ãsũ irigura”, ãrĩdeare diayeta irigukumi.

Pablo õãdoretũnudea

25 Gũayarã, musãde Marĩpũre guaya ããrĩburire sãrẽbosaka!

26 ããrĩpererã iro marã Jesũre buremurãrẽ, ãgũ marĩrẽ maĩrõsũta maĩrĩ merã õãdoreka!

27 Marĩ Opũ Jesucristo doreri merã i pũrẽ ããrĩpererã ãgũrẽ buremurãrẽ siu needõ, bue ãmuka!

28 Marĩ Opũ Jesucristo musãrẽ õãrõ iritamuburo.
Iropãta ããrã.
Pablo

Marĩpuya Kerere Wereri Turi New Testament in Siriano

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Siriano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files
dated 29 Jan 2022
1a0774e8-d152-5929-891b-95e0d2238786